


საქართველოს რესპუბლიკა

www.sakresp.ge



გლოცვა
ძაწიადობის
საუფლო
დღესასწაულოს!

შაბათი, 27 აგვისტო. 2016 წ. №159 (8051), გამოცემის 98-ე წელი

ელ.ფოსტა: sakresp@mail.ru და sakresp@top.ge

ფასი 50 თეთრი.

აპოკალიფსის მხედრობა - ქვეყნის მოღალატეთა ოცნული



ჰერ ცალ-ცალკე რანი არიან და ერთად
სომ სულ!..

პირველი ოცნული ერთიანი ნაციონალურ-
რი მოძრაობის პარლამენტის საარჩევნო სი-
ისა.

ეს „დამკვერელი“ ოცნულია, ნაღდი, ყვე-
ლა ვარიანტი გამსვლელი, აქ წარმოდგენი-
ლია ამ მოძრაობის ნაღები, ნაცების ყველაზე
დიდი იმედი და ზოგადი სახე.

მაგრამ რაოდენ სიძულვილს, უფრო მეტი
- რაოდენ ზიზღს იწვევს ეს დამკვერელი
რაზმი დათითოკაცებული განშლით!

დავით ბაქრაძე - ეს ის კაცია, წითელ ხიდ-
თან გასაქცევად სტარტზე მდგომი „მასებს“
რომ მოუნოდებდა, შემოჭრილ რუსულ არ-
მიას დანებითა და ჩანგლებით ებრძოლეთო.

სანდრა რულოვსი - სატანის თანამეცხედ-
რე და თვითონაც სატანა, ჩონგურზე მეგ-
რულად ჩამომღერებით რომ ცდილობს სა-

მეგრელოს გადაბირებას.

სახე და აზრებგაყინული **ელენე ხოშტარია**,
რომელმაც ახალ პარლამენტში უნდა იტვირ-
თოს ეკა ხერხეულიძეობა, ჩიორა თაქთაქიშ-
ვილობა და ა. შ.

ეკონომიკური ცრუნინასწარმეტყველი **რო-
მან გოცირიძე**.

სიძულვილის მქადაგებელი და მთესველი
- **ნიკა მელია, ოთო კახიძე, სალომე სამადაშვილი,
მამუკა ჩიქოვანი, თენგიზ გუნავა, სერგი კაპა-
ნაძე**...

დაბოლოს მართლაც აპოკალიფსის მხედ-
რობა: **ირაკლი აბესაძე, სერგო რატიანი, გიორგი
კანდელაკი, აკაკი ბობოხიძე, გიგა ბოკერია, ირმა
ნადირაშვილი, თინათინ ბოკუჩავა, გიორგი თეფ-
დორაძე**...

ეს გვარები გვაიძულებენ, მზად ვიყოთ,
სიფხიზლე არ მოვადუნოთ:

არ არის ჭორი, მათ არ მოიგონონ,

არ არის შხამი, მათ არ დაანთხიონ,
არ არის სიძულვილი, მათ არ გადმოაფ-
რქვიონ.

გამარჯვებისთვის ყველა სიგლახზე ნავ-
ლენ, ყველაფერს იკადრებენ, ამომრჩეველს
გაუგორდებიან, ინკმუტუნებენ და ფეხებს
აულოკავენ. თუმცა ელექტორატმა კარგად
უნყის ვინც არიან, რანიც არიან...

არაკაც ნიკა გვარამიას ჯოჯოხეთის ყუთ-
ში, „რუსთავი-2“-ში მათი ყოველდღიური
ყელყელაობა რომ არა, ქვეყანა დამსვიდდე-
ბოდა, ხალხი გახალისდებოდა, ბოლო წლებ-
ში გაკეთებულს ფასი დაედებოდა...

არა, ქვეყანას მოუკვდა პატრონი, დასავ-
ლეთიდან შეგულიანებული ოპოზიციის
სახელით ეს არამზადები ბოლომდე მტრო-
ბენ და ანადგურებენ ქართველ ერს!


**მათ პარაზს სწორად 8 ოქტომბერს უნდა
დაეხვას წერტილი.**

კვირის სკიხი



„ვეფხისტყაოსნის“
ნიკოლოზ
ბარათაშვილი-
სეული
ხელნაწერი 7

უმთა
ნადირაშვილმა
განწყობის
თეორია ჩიხიდან
გამოიყვანა



ნიკალას ახდენილი ოცნება



ქართული სული
მოსკოვის სენტრში 8

ვაჟის
სადღებრძელო,
სისხლის ალაბა
და მახვუი 4

ოლიმპიელი ლირსების ორღანებით დაჯილდოვდნა

საძრთქველოს პრეზიდენტმა
გიორგი მარგველაშვილმა ოლიმ-
პიელები ღირსების ორდენით და-
აჯილდოვა. ქვეყნის პირველი პი-
რის გადაწყვეტილებით, ვლადიმერ
სინჩეგაშვილი, ლაშა ტალახაძე,
ვარლამ ლიპარტელიანი, ლაშა შავ-
დათუაშვილი, შმაგი ბოლქვაძე,
ირაკლი თურმანიძე და გენო პეტ-
რიაშვილი „რიო 2016“-ის ზაფხუ-
ლის ოლიმპიურ თამაშებზე მოპო-
ვებული გამარჯვებისა და მიღწე-
ული წარმატებისთვის, ასევე ქარ-
თული სპორტის საერთაშორისო
ავტორიტეტის ამაღლების საქმე-
ში შეტანილი განსაკუთრებული
წვლილისთვის დაჯილდოვნენ. სა-
ქართველოს პრეზიდენტმა და პირ-
ველმა ლედიმ რიოს ოლიმპიადი-
დან დაბრუნებული ოლიმპიელები
ავღაბრის სასახლეში მიიღეს.

ამერიკის იმჟამინდელ პრეზიდენტ ბილ კლინტონთან ერთად თვრამეტამდე ადამიანი შემოსხდომოდა სუფრას. ეს საქმიანი შეხვედრა არ გახლდათ – ისინი ქართულ კერძებსა და ქართულ ღვინოს აგემოვნებდნენ. ვერ გეტყვით რაზე საუბრობდნენ, მაგრამ დარწმუნებული ვარ არა პოლიტიკაზე. გვერდით მაგიდიდან თანამემამულეებმა, თავიანთ პრეზიდენტს ერთი ბოთლი ღვინო გაუგზავნეს (ქართული წესითა და ადათით). პრეზიდენტი წამოდგა, მადლობის ნიშნად თავად ეწვია გვერდით სუფრასთან მსხდომთ, ყველას ხელი ჩამოართვა და მათთან სამახსოვრო ფოტოც გადაიღო. ეს მართლაც საოცრება იყო – ამერიკის პრეზიდენტი თავისი ქვეყნის უბრალო მოქალაქეებს რუსეთში მყოფრო რესტორანში გულითადად უხდის მადლობას ქართული ღვინით გამასპინძლებსათვის.



რესტორანი „ფიროსმანთან“

ქართული სული მოსკოვის სენტრში



რესტორანი „რაინდო კლუბი“

სად შეიძლება მოხდეს ამგვარი საოცრება თუ არა გამოჩენილი ქართველი მეცენატისა და რუსეთში მოღვაწე წარმატებული ბიზნესმენის თორნიკე კოპალეიშვილის ქართულ რესტორანში, რომელსაც უბრალოდ „ფიროსმანთან“ (გინდაც „სტუმრად ფიროსმანთან“) უწვია. 1918 წელს გარდაცვალა ყველასაგან გარიყული, შემდგომში მსოფლიო აღიარების ქართველი მხატვარი ნიკალა ფიროსმანი. ერთადერთი შეხვედრაზე, რომელიც ქარველმა მხატვრებმა და კულტურის მოღვაწეებმა მას გარდაცვალებამდე ერთი წლით ადრე მოუწვევეს, იმედჩასახულმა მხატვარმა ინატრა – ავაშენოთ ერთი სახლი, დავდგათ „სამოვარი“, ცხვით ჩაი და ვისაუბროთ ხელოვნებაზეო. გადის 70 წელი და მოსკოვის ცენტრში, ქართველი ნიკალას თანამემამულე ბატონი თორნიკე ხსნის თავის პირველ რესტორანს, რომლის შესასვლელშიც მაგიდას ნიკალას სკულპტურული ფიგურა მისჯდომია. ჩაფიქრებული შესცქერის თეთრმუშაბა გადაფარებულ მაგიდაზე დადებულ პალიტრასა და წითელბაფთაშებმულ ბატკანს. ახლა ნიკალა მასპინძლობს მთელ მსოფლიოს – სხვადასხვა ქვეყნის პრეზიდენტებს, კანცლერებს, მთავრობის მეთაურებს, ბიზნესმენებს, ელჩებს, თავის კოლეგებს, ხელოვნების, სპორტის კორიფეებს. სხვადასხვა პროფესიის ადამიანებს.

ყველაფერი კი, არცთუ შორეული, გასული საუკუნის 80-იანი წლების მიწურულს დაიწყო, როდესაც არა მარტო ბიზ-

ნესზე, კერძო საკუთრებაზე ფიქრიც შეუძლებელი იყო. მოსკოვის ცენტრის შორიახლოს, მრავალსართულიანი სახლის პირველ სართულზე თორნიკე კოპალეიშვილი თავისი მეგობრის ანდრეი ფედოროვის ნაბაძვით ხსნის პატარა კოოპერატივს და არქმევს „ფიროსმანთან“. ფედოროვის კაფე „კოოპოტივის 36“-ს უფრო მეტ ყურადღებას აქცევდნენ. გაზეთები სენსაციურ წერილებს აქვეყნებდნენ პირველ „საბჭოთა კაპიტალისტზე“ და მის კაფეზე. თორნიკეს „ნიკალა“ თითქოს ჩრდილში იყო, მაგრამ, როგორც რუსები იტყვიან, ფედოროვის ბიზნესი „რელსებს ასცდა“ და მისი კაფე დაიხურა – ბანკმა იმსხვერპლა. თორნიკეს „ფიროსმანთან“ კი უცებ აღმოაჩინეს საბჭოეთის დედაქალაქში მცხოვრებმა უცხო ქვეყნების საელჩოს წარმომადგენლებმა. აქ მათ ქართული კერძები, სტუმართმოყვარე მასპინძლები, მუსიკა, გულუხვი და კეთილი მასპინძელი იზიდავდა. აქ იხდინდნენ დაბადების დღეებს, უბრალოდ მეგობრულ შეხვედრებს, ღირსშესანიშნავ თარიღებს. თითქმის ყველას პირზე ეკერა საქართველოს კუთხეების სამზარეულოს მენიუ. თორნიკემ გარისკა, როგორც ფრანგები იტყვიან – ვინც არ რისკავს, შამპანურსაც ვერა სვამსო. რესტორ-

ნის მოპირდაპირედ შესანიშნავი ხედი იშლება „ნოვოდევიჩის მონასტერი“. თორნიკემ „ფიროსმანს“ მეორე რესტორანი, „რაინდო კლუბი“ მიუმატა და ახლა მასზე არა მარტო მთელი მოსკოვი, არამედ მთელი საბჭოეთიც ალაპარაკდა.

რესტორნის მფლობელი გულუხვად მასპინძლობდა იმ სახლის მცხოვრებლებს, რომლის პირველ სართულზეც მისი რესტორანი გაიხსნა. დაბადების დღეები, ქორწილები, შეხვედრები – მათთვის მუდამ ღია იყო რესტორნის კარი. ამიტომაც ყველამ შეიყვარა ქართველი ბიზნესმენი. „მარტოხელა

დედებისთვის“ უფასო მომსახურება და მათზე ზრუნვა, ომის ვეტერანები, მიუსაფარები არც ისინი დავიწყნია რესტორნის მფლობელს. ბევრი ამგვარ რესტორანში კი არა ჩვეულებრივ სასადილოშიც არ იყო ნამყოფი, თორნიკესთან კი შეიძლებოდა უფასოდ, მყოფრო და მშვიდ გარემოში ყოფნა, ქართული კერძების დაგემოვნება.

ყოველგვარი წარმატება ალღოზე და მოკიდებული, ბატონმა თორნიკემაც გათვალა თავისი რესტორნის ადგილმდებარეობა – ძველი მონასტერი, ქონგურები, მოლივილე ტბორი, ფანტასტიკური ხედი ვერანდიდან, საკამოდ მოშორებული მოსკოვის საქმიან და ხმაურიან ცენტრს. აქ ირგვლივ რუსული სული ტრიალებს, შედისარ რესტორანში და ძველი თბილისი გზებზეა გულია, ალალი, ეგზოტიკური, ყველა სათვის მონატრებული. საოცარი შერწყმა და... მართლაც ალღო და გამართლება.

რესტორნის სტუმრებს მენიუში ჩახედვაც არ სჭირდებათ, მათ ზევირად იციან ქართული სამზარეულოს საოცარი კერძები – ჩახოხბილი, საცივი, კუპატი, ელარჯი, ხაბიზგინები, მწვადი და ხინკალი, ღომი, კუბდარი და ღვთაებრივი ქართული ქვევრის ღვინო, რომელიც ბატონ თორნიკეს საქართველოდან ჩამოაქვს და რესტორნის სტუმრებს ქართული წესით ითხოვენ – „შენთვის რომ გაქვს, ის ღვინო გვინდაო“. რესტორნის ნებისმიერ სტუმარს აქვს შესაძლებლობა სამახსოვრო ფოტო გადაიღოს ბატონ თორნიკესთან და მომსახურე პერსონალთან, შთაბეჭდილებების წიგნი შეიტანოს თავისი ჩანაწერი. ფოტოები კი რესტორნის კედლებს ამშვენებს, ისევე როგორც ცნობილი მხატვრების მიერ შესრულებული დიდი ფიროსმანის ნახატების ასლები.

„გეპატიყვებო ჩემს სახლში, ჩემს რესტორან „ფიროსმანთან“ და „რაინდო კლუბში“, სადაც თქვენ შეძლებთ სტუმართმოყვარე საქართველოში მოხვედრას, დასვენებასა და დანაყრებას...“ ასეთი წამმღვარება აქვს ბატონ თორნიკე კოპალეიშვილის საოცარ რესტორნებზე და მის სტუმრებზე გამოცემულ წიგნს, რომელიც რამდენიმე წლის წინათ შეადგინა და გამოსცა ბატონ თორნიკეს მეგობარმა, ჟურნალისტმა საერთაშორისო ფონდის „ოქროს კალმის“ ლაურეატმა, ამჟამად ამერიკაში მოღვაწე ჟურნალისტმა ვლადიმერ ვინამ. თავად ეს წიგნი, რომელსაც საოცარ სამყაროში გადაჰყავხარ და ქართველი კაცის ნიჭზე, ქველმოქმედებასა და წარმატებულ ბიზნესზე გვესაუბრება, თორნიკე კოპალეიშვილმა საჩუქრად გადასცა თავის სიყვარულის მეგობარს, საქართველოს დამსახურებულ მხატვარს, ცნობილ კარიკატურისტს ამირან ერატეს, რომლის საშუალებითაც ჩვენს რედაქციას ჩაუვარდა ხელში სულ რამდენიმე დღით და ჩვენი გაზეთის მკითხველისთვისაც გამოვფინეთ სამზოზეუ...


მარჯვენა გიკურთხოს, თორნიკე კოპალეიშვილო!

გამუკა ვაზაპიკი



კელდუბ კოლი „რაინდო კლუბში“

სინდი კროუფორდი ნიკალას „მეაზოვესთან“ და რესტორნის მასპინძელთან.



ბილ კლინტონი, თორნიკე კოპალეიშვილის რესტორანში



რიჩარდ გირი.



მიქი ჯაბარი აღფრთოვანებულია სტუმარ-მასპინძლობით.



მასპინძელი ჯონ მებლოქს რესტორანში მ.იანვილის ნამუშევარს ჩუქნის.

შპს-ის მფლობელთა მსახური

დაპირვანება დაპირვანებები. ანუ წინასწარწინა მონიშვნები

მოყვასზე ზრუნვა რადგან მითია, მამრობითი თუ მდედრობითი, ქმარზე ნაკლები ცოლი რითია? თინაც ის არის, რაც დავითია!

ბლოკი პირველმა რაკი არია, სხვა საქმისათვის აღარ სცალია, რადგან პენსიას 300 ლარიანს უკვე „გვირიგებს“ ალასანია.

„ნაცები“ და მემარჯვენე რადგან ერთად შეაჯერე, აბა, ბანი, ბურჭულაძე, „გირჩის“ ჩაჩურჩულებაზე, თორემ შენთვის შარიც კია, რაც დამართეს შალიკიანს: პარიზში რომ გცემდა პატივს პარლამენტის დეპუტატი, ტყიბულაშვილი გზა ჰქონდა მოკლე და სხვებივით ისიც მოკლე!

ლეიბორისტთა თავიანთი ასწლოვანებს პენსიად 2000 ლარს გვპირდება


ოთხმოცს გადავცდი, რომ ვთქვა სიმართლე და თუ ოდესმე აღმოვბრუნდები, ასს მივალნიო, გულით ვინატრე, რომ შევამოწმო, რასაც გვპირდები!



საქართველო რომ არ დარჩეს კვლავ საომარ ლელოდა, „უბლოკობა გადაგვარჩენს!“... ნინოს მუდამ სჯეროდა. შემწეობას შესთხოვს გამჩენს, რომ გაუგონ ჯეროვნად, მაგრამ ომი ვისაც არჩენს, ანკმუტუნდა ჩეროდან!

ქუთა თელია

უსიტყვოდ



დაზუსტება

გუშინდელ ინფორმაციაში „მესხები დედაქალაქის გამწვანებაზე ფიქრობენ“ ტელეფონის ნომერი უნდა იკითხებოდეს 2-93-66-03.

სარკვე, ძვირფასო, მითხარი...



ამერიკელმა სოციოლოგებმა დაითვალეს, რომ საკუთარი თავის მოვლაში ქალები სარკის წინ კვირაში 6,4 საათს ატარებენ.

ამავე „საქმეს“ მამაკაცები კვირაში 4,5 საათს ანდომებენ, მაგრამ ლიდერები მაინც მოზარდები არიან, რომლებსაც თავის „გასალამაზებლად“ კვირაში 7,7 საათი სჭირდება.

გამოკვლევის მსვლელობისას მეცნიერებმა ასევე დაადგინეს, რომ ქალბატონების 60 პროცენტი საკუთარ თავზე კრიტიკულად კვირაში სულ მცირე ერთხელ მაინც ფიქრობს, მამაკაცებში კი ასევე მხოლოდ 36 პროცენტი იქცევა. ყველაზე მეტად ქალებს საკუთარი მუცელი ადარდებდათ (სხეულის ამ ნაწილით უკმაყოფილო 69 პროცენტი იყო), 40 პროცენტის განცდები კანს უკავშირდებოდა, 32 პროცენტისას – თმებს, 22 პროცენტს ადარდებს ცელულიტი და კიდევ 28 პროცენტს – დუნდულების ფორმა.

საკუთარი მუცლის გამო განცდები აქვს მამაკაცების 52 პროცენტს, მეორე რიგში ადარდებდათ თმების შეთხელება და კანის პრობლემები.

ფანტაზია და ღვაწლი


მომავალთან დაკავშირებული საამო ფანტაზიები შესაძლოა... დეპრესიის მიზეზი გახდეს, აცხადებენ ნიუ-იორკის უნივერსიტეტის მკვლევარები.

ფანტაზიებს კარგ გუნებაზე კი მოვეყვართ, ოღონდ ცოტა ხნით. ზედმეტად პოზიტიური მოლოდინები კაცს მიზნის მიღწევის გზაზე არსებულ წინააღმდეგობათა შეფასებაში და მათი დაძლევის სტრატეგიის შემუშავებაში ხელს უშლის. მაგალითად, ზედმეტად მეოცნებე სტუდენტები, საკურსო ნაშრომების მომზადებისას, ნაკლებად მონადინებულნი არიან და, შედეგად, დაბალ შეფასებებს იღებენ, რის შედეგად დეპრესია იწყობთ. მეცნიერთა აზრით, პოზიტიურ ფანტაზიებს რეალობის აღქმაც უნდა ახლდეს.

რა გვაპირვებს?

დაპირვანებისარაო ოდესმე, რატომაა, რომ ტკივილისგან ადამიანი ყვირის? მკვლევარები ამტკიცებენ, რომ ამით იგი... გარშემო მყოფებს ხიფათის შესახებ აფრთხილებს.

ეს უნებლიე რეაქცია ადამიანს ველური წინაპრებისგან ერგო. ბუნებაში ცხოველები დიდ ტკივილს უფრო ხშირად მტაცებლის მიერ დაჭერისას, დამწვრობის შედეგად და კიდევ მრავალ სხვა მიზეზთა გამო გრძნობენ. ყველა ამ შემთხვევაში ხმამაღალი ყვირილი და ბლავილი თანამომქმეებს ხიფათის შესახებ ამცნობს. ბევრი გუნდის თევზი კი „განგაშის ფორმონებს“ იყენებს – ესენი ნივთიერებებია, რომლებიც გარემოში თევზის კანის დაზიანების დროს სისხლის გაჟონვისას ხვდება და სხვებს დაუყოვნებლივ თავის შეველას კარნახობს.



ყველაფერი ღოზაზა და მოკიდებული

რატომაა, რომ ზოგიერთი სუნი გვსიამოვნებს, სხვები კი ზიზღს იწვევენ? მეცნიერები აცხადებენ, რომ უფრო ხშირად სიმპათია-ანტიპათია პიროვნულ გამოცდილებაზეა დამოკიდებული.

სუნის აღქმა როგორც ჩვენს გამოცდილებაზე, ასევე შესაბამის ასოციაციებსა და ფიზიოლოგიურ მდგომარეობაზე ყოფილა დამოკიდებული: მაგალითად, ხორცის წვნიანის სუნი მშიერ კაცს დიდებულად ეჩვენება, დანაყრებულს კი, შესაძლოა, გული შეუღონოს. კიდევ ერთი გარემოება ისაა, რომ ერთსა და იმავე ნივთიერებას, კონცენტრაციისდა მიხედვით, სხვადასხვა შეგრძნების გამოწვევა შეუძლია. მაგალითად, ჰაერში ინდოლის მცირე დოზით არსებობა უსამინის სურნელებად აღიქმება, მაგრამ კონცენტრაციის გაზრდის შემთხვევაში მას... ფეკალიების სუნად აღვიქვამთ.

„დაჭკინება“... პარკიუსიგან

დანიელმა მეცნიერებმა გამოარკვეეს, რომ არსებობს პირდაპირი კავშირი 55-60 წლის ასაკის პირთა ინტელექტის დონესა და იმას შორის, თუ რამდენად აქტიურად ვარჯიშობდნენ ისინი 30-დან 50 წლამდე ასაკში.

აღმოჩნდა, რომ რაც უფრო კარგი ფიზიკური მომზადება აქვს კაცს ახალგაზრდობაში, მით უფრო მაღალია მისი ინტელექტუალური განვითარების დონე ხანდაზმულ ასაკში.

მაგიური ხა გოჭვი

ბუდისტებს სწამთ, რომ ორნამენტული ათასი წლის წინათ ხის ქვეშ მდებარეობს მყოფმა უფლისწულმა სიდჰართმა გუატამამ სულის განათლებას მიაღწია და ბუდად იქცა.



ამჟამად იმ ადგილას ბუდიზმის ერთ-ერთი მთავარი ტაძარია და ხე ბოდჰი იზრდება (ბუდას ლეგენდარული ხის მეოთხე შთამომავალი). ბოდჰის გარშემო ორი ღობეა – ქვისა და მოოქროვილი ლითონის. ხესთან მისული ყოველი მომლოცველი ბოდჰიდან ჩამოცვენილი ფოთლის დაპატრონებას ცდილობს, რაც იბაღს მის მიმართ განაწყოებს.

საქართველოს რესპუბლიკა SAKARTVELOS RESPUBLIKA

სულხან-საბას ძ. №3

მთავარი რედაქტორი სპარტაკ მოზულია 293-13-34 599 36-00-35

პასუხისმგებელი რედაქტორები: გურამ გომიანიშვილი 599 53-76-16;

ალექო ასლანიშვილი 599 56-81-86;

რუსლან რუსია 599 17-21-21;

პასუხისმგებელი მდივანი მამუკა ვაშაქიძე 514 33-33-24

გამომცემელი: შპს „მანადგომბა“-ს გაზეთ „საქართველოს რესპუბლიკის“ გამომცემელი“ ტ: 599 79-76-79

შპს „ახალი საუკუნე“ იბეჭდება გამომცემლობა „კოლორში“ რკინიგზის ჩიხი №20

uac(უაკ)070.4(479.22) ს-323



ავტორთა საყურადღებოდ! რედაქციის მიერ შეუკვეთილი მასალები დაიბეჭდება ავტორთა ხარჯით. ავტორთა მოსაზრებები, შესაძლოა, მუდამ არ ემთხვეოდეს რედაქციის პოზიციას. ფაქტების სიზუსტეზე პასუხს აგებენ ავტორები.

„საქართველოს რესპუბლიკა“ უენი გაზეთია, აუსილებლად წაიკითხე!

Table with contact information for Sakrebulo, including phone numbers for various departments and website address WWW.SAKRESP.GE